

4. Ընջուկատէղը¹⁰ բաղկացած էր երկու, սովորաբար կանաչ, դաճալու-
զից կամ կարմիր թավիշից եռանկյունաձև կտրած կտորներից, աստառած
էր: Եռանկյունիների երեսները ասեղնագործված էին լինում: Երբեմն առջևից
վրա էին կարում տափակ արծաթե հարսնանուցներ՝ ուլունքներ: Եռանկյունի-
ների հիմքին կարում էին դայթանի վրա շարած արծաթե կամ ոսկե պուծած-
ներ՝ բոժոժներ, վերաբնակվածներն ասում են՝ բօփէ: Երկու եռանկյունիների
վերին—գլխի և ստորին—ծնոտի տակի ծայրերն իրար հետ միացնում էին ժա-
պավեններով, իսկ ազատ մնացած երրորդ ծայրերից կարված էին լինում
էրդէր ծոծրակին կապելու համար¹¹:

5. Քէթկալը մի քառակուսի սպիտակ կտոր է, որը կապելիս ղէղաջ՝
եռանկյունի էր ծալվում, իսկ վերին մասում շին-շին՝ դարսերով ծալեր
անում: Պառավներինը լինում էր սև և լայն:

6. Կօլին՝ կզակի շարդաթը—քառակուսի թաշկինակ է, գունավոր, գըլ-
խավորապես կարմիր, կանաչ կամ նարնջագույն:

7. Լէչագը 4 մ սպիտակ կտոր—մաղէպալան՝ մաղապուլամ երկու
մասի բաժանված և քառակուսի եզրերով իրար հետ կարված: Գործ էին անում
գլխավորապես մեծ կանայք:

8. Չանգալը արծաթից կամ ոսկուց էր լինում: Մի լայն գոտու նման է,
երեք ծակօտկէն շիֆթիշի տախտակներից բաղկացած, որոնք իրար հետ շղթա-
ներով են միացած: Մի ծայրին ուներ օղակ, մյուսին՝ կէտիկ՝ շանգալ: Օղակը
կարված էր լէչագի կամ շարդաթի մի ծայրին—տունդին՝ անկյունավոր ծայ-
րին:

9. Չարսավը բրդե կամ մետաքսե մեծ երկար շալ է՝ 2 մ × 2 մ, մէտակ:

10. Կօլտանը շորի մեջ տունուխի ձևով փաթաթած բամբակ կօլի տակ
դնելու համար: Գործածում էին միայն պառավները:

11. Չարդաթը գործածում էին Միայն շահէլները: Սա մետաքսե կարմիր
կտորից մեծ քառանկյունի մէտակ էր, որը գլխին գցելիս ղէղաջ էին ծալում:
Մետաքսե շարդաթը հետագայում փոխարինվեց բրդե շալով, նույն մեծու-
թյամբ և նման գործածությամբ:

Կ լ օ խ ր շ ի ն է լ ու ձ և ր: Մազերը բաժանում էին շորս մասի, նախ քթի
ուղղությամբ առջևից դեպի ծոծրակն երկու կեսի, ապա ականջից մյուս
ականջը, աջից ձախ ուղղությամբ և ճօք էին անում՝ բաժանում: Ետևի՝ քա-
մակի երկու մասերը ծամ էին անում, ծամերի տակ մի մասի շափ խուզում
էին, որ խզի՝ ծոծրակի տակը հարի վօշ: Առջևի մազերը հլօրքմ ըն՝ ոլորում
են, որ պօշէր, խօպօպէր դնէն: Սրանից հետո գլխին գցում էին փոքր ղէղաջ
մէտակը, որի ծայրերը ծնոտի տակ իրար վրա բերելուց հետո տանում էին ետ
և խզի տակ կապում, իսկ սրա վրա դնում էին պալտին, որի ծայրի թելերը
տանում էին կօլի տակով և գլխի գազաթին հանգույց անում: Պալտիի վրա
գցում էին երկրորդ միջնակ ղէղաջ մէտակը՝ միջին շափի և առաջինի ձևով
կապում խզի տակ: Պալտիի վրա առջևից կապում էին թրփատէղը, որի քո-
ղերը քամակովը բերում շանի՝ ծնոտի տակն ու կապում: Այնուհետև մազերի
պօշէրը հլօրքած անց էին կացնում պալտիի փոքրի վրա փաթաթելով մինչև վի-
կըլխի՝ վերջանա: Պալտիի և պօշէրի վրա դնում էին ընջուկատէղն, այնպես,

¹⁰ Ընջուկ՝ ականջ: Չանգալը բառը այստեղ ուշ է մտել:

¹¹ Երբեմն ծոծրակին հասնող անկյունները միացնում էին իրար առանց ծապավենի: